

Isch hör net wie de Zuch kommt

Isch hör net wie de Zuch kommmrd
Un des is wäggisch schaad
Ish hogg mer hier de Asch pladd
Un waad un waad un waaaad
De Bahnhof is vergammeld
Es rieschd nach Niersche-Schpieß
Un wenn dann doch ema en Zuch hält
Dann wädds erst rischdisch fies

De Waache der is vollgesdobbd
Mim Rucksack ins Gefechd
Wo hald isch misch, dass isch nedd fall
Un mir am End was bresch
Ish muss doch uff die Abbeid
Un hab kaa Geld für'n Benz
Un wenn isch nedd ins Büro komm
Dann denge die isch schwänz

Im Sommer mussde schwidze
Im Winder mussde friän
Die Heizung geht bei Hitze
Is kalt, klemme die Düen
So ab un zu ma Waddung
des dud dem Zuch doch gud
Weil: Fällt erst ma e Rad ab
Dann gibt's gleisch böses Blut

Die Rolltrebb had en Börnaut
De Uffzuch geht nedd mehr
Die Trebb is schdeil un glitschisch
Hier gehds zum Nahverkehr
Un wills'de mim Rollador
Odder'm Rollsduhl uff die Bahn
Odder hasde'n Kinnerwaache
Dann muss'de Taxi fahn

Ish hör de zuch net komme
Un des is wäggisch Schaad
De Staat, der uff privat macht
hat die Bahn kabuttgeschpaad
Mir brauche gute Bahnhöf
Un mehr Züüsich un mehr Gleise
Un net mehr Audos un mehr Laster
Des stinkt, macht Stau un isn Scheiß